

萬載縣志卷之十二

萬載縣知縣汪元舉纂

灾祥

灾祥之見雖曰天道實人事哉書曰惠迪吉從逆凶如影響焉而亦有德勝不祥義厭不惠者唯天變不畏視異猶常如魯襄之石隕鷁飛魯隱之大雨震電魯成之雨大冰魯昭之鸚鵡來巢則不出一一年其禍立應矣夫春烱記灾異不記休祚歛雉  
□桑穀固啟商王修德而麟遊鳳集亦同大有年  
□□又不可不並載於篇云

萬載縣志

卷之十二

灾祥

乙

宋

景祐三年夏大水

淳熈七年五月大水

□年旱

□年大旱

□西年旱

淳□十五年六月大水

紹興四年自夏及秋皆水

□□六年大水

□泰四年春大饑

元

延祐二年夏久雨錦水泛溢

至正二年米出石穴中邑南月臺山有數巨石一石穴中每旦出米僅足日食鄰有貧者矚之取以爲常供一日他有先往候竊拾之遂不復出

至正十一年夏大水

二十年春雨雪六十日

明

洪武二十二年旱

三十四年夏秋大旱

萬載縣志

卷之十二

灾祥

二

永樂十年春大水

宣德九年大旱

十年又旱民饑

景泰三年冬四年春凝雪兩月餘寒甚

六年大旱斗米價一錢

天順二年夏四月山崩蛟出大水

五年大疫

成化五年季冬虎入東郊晝行是歲十二月末旬間有兩虎跳躍東郊外巡邏十里咆哮傷人樵牧行旅滅踪官率獵捕逐莫之敢撻至明年正口不可

如何縣令陳璨撰文詣城隍禱之遂泯迹□□所  
之

成化十三年夏大旱民饑殍是歲五六月不雨穀價  
騰踴民無所食富者閉糶貧者攘奪殘賊不勝填  
委溝壑哭聲震原野後有監巡坐賑立刑足之法  
民稍甦定

十四年四月十六日洪水雙虹橋圯

成化十五年民饑盜起

十六年洪水劉給事蓋屋宅盡陷水口洲渚成川  
邑之風水始洩

萬載縣志

卷之十二

灾祥

三

弘治七年冬大寒民有凍死者林木盡枯

八年自夏五月至秋八月不雨民大饑

弘治十六年夏大旱民饑

正德元年夏旱秋七月大水山崩橋壞塾民廬舍旱  
稻入於泥

三年夏大旱民饑

四年旱大饑民食剗皮白日掠奪強發富民廩者  
是歲竹有花而米民採之克食

五年旱饑

正德七年八年夏旱民饑

十四年芝產生於邑東仁壽坊彭顥廳□□之間  
十五年大水衝破城舍民居

嘉靖元年春夏大水漂没氏居龍河渡沙洲復起夏  
四月虹見於池是歲四月孺星門池中雙虹見自  
南竟北五日始没觀者如堵

三年春三月雙虹復見學前池中雙虹復見自西  
竟東三日始没

四年爍八月縣城火是日停午火自邑治前起四  
發西城盡遭煨燼胥巡撫中丞盛公及守巡公按  
臨俱爲拜禱

萬載縣志

卷之十二

灾祥

四

七年夏四月静安寺芝產是歲芝生於静安寺之  
左角樓隙地頃刻數本色各異出

是歲冬十月官廨釜鳴縣令林公廨內釜鳴隱隱  
若雷聲七日始息聞者駭異

嘉靖十二年夏四月久雨民困是歲四月連旬陰雨  
谿壑漲溢衝破橋梁廬舍漂没禾麥滄溺民庶不  
可勝算民甚饑困有司發倉賑貸

十三年春正月儒學火爇燭天正月初八夜儒學  
禮殿東廡平地火爇燭天經數刻滅

十六年春三月芝產生於龍國臣父墓丘

嘉靖十九年正月至五月不雨民大饑疫是□旱魃  
爲災斗米百錢卒至絕市民食剗皮盡又採蕨根  
爲粉克啖遂生病疫饑殍滿野掠奪日滋凋瘁不  
可勝言

嘉靖二十一年夏六月梨花開邑東建城坊民園梨  
剗數株六月間花開鮮濃勝於春晝

三十五年夏大水

三十九年春雨水

萬曆四年大水五月二十四日大雨傾注巨浸滔天  
漂廬拔舍龍江新橋全壞雙虹康樂二橋衝倒其

萬載縣志

卷之十二

灾祥

五

半居民滄死無數沿河一帶田禾蕩成江河旬日  
之內冷竈無煙田地水推沙塞錢糧民苦賫納至  
今永嘆

萬曆五年九月演武場午後隱隱雷聲須臾自天墜  
下一斜角石入土尺餘掘之初指甲可破俄遂堅  
人訝爲星隕石今猶存

九年雙虹橋一帶火災民居被燬無數

十年大水

十六年戊子六月大水

十七年己丑大旱至十八年春大饑穀每□價至

六錢

萬曆二十年大水

二十一年大旱復大疫道饑相枕籍

二十七年春夏先水後旱

三十七年夏六月大水淫雨經旬至二十四日山蛟四出比丙子年洪水更高三尺橫流居民有避至高樓得舟救活者堆阜高陵皆爲漂没官署民舍橋梁一時盡壞田地石壅沙塞無算其畝斗米百錢餓殍遍野爲百季僅見之災至今虛賊荒糧比前益甚

萬載縣志

卷之十二

灾祥

六

萬曆四十年四月二十八日大水屋舍漂流民田蕩壞無筭水驟漲民不及避溺没以數千計

四十一年大饑

四十二年甲寅大饑穀價每石六錢道路攘奪

天啟元年大旱

二年四月大水

三年五月大水六七月大旱是年民饑南門火災  
焚燒廬舍數十戶

四年大水

天啟五年大旱禾苗盡枯斗米一錢

崇禎元年大旱

二年水荒

五年大旱

六年四月大水六月至九月大旱

七年通省俱書大有萬載獨旱是年大寒日雷震  
八年夏四月大水初旬至中旬大雨連夜水勢滔  
天禾苗漂蕩新修城垣公廨陂堰多壞衝倒竹渡  
牟村等處橋梁浸爛水次預備兩倉穀米沿河居  
民葵魚腹無數入爍又遭旱魃饑饉相望邑令韋  
題有水災十五絕

萬載縣志

卷之十二

灾祥

七

崇禎九年夏四月大旱斗米一錢五月初一初二連  
口夜大雨洪水泛濫更甚八年**坑**坑田地土壓爲  
山低窪者水剗爲河一時民房蕩洗滄死者衆  
崇禎十年夏五月地震是年十一月臨藍賊寇袁州  
人民驚竄

十一年春正月每早有兩日竝出日下黑光摩盪  
久之凡二十餘日

夏五月大小政出平地水深丈餘溺死人民數十  
口生員張學優夫婦壓死壤四產無數

十四年爍大水

崇禎十五年春地震

夏五月大水人民漂沒無筭田禾盡漂穀每石八九錢是年麻柵丘仰寰聚黨數千結寨天井窩行劫後脅從萬餘破城一十三次至甲申年四月方受撫投誠

十六年大水米每石一两五錢

崇禎十七年春二月地震

國朝

順治二年四月大水白水書堂茭蕪各地方孽龍四出中崩地陷漂沒男婦蕩析民居滄沒禾苗

萬載縣志

卷之十二

灾祥

八

順治三年丙戌夏秋大旱百餘日赤地千里

四年丁亥春大水竒荒凡六閱月百姓餓死枕藉白晝如山穀每石八九兩米每斗乙兩八九錢民多闔戶死者是年竹生花結實可采食

五月正月江西反

詳城守志

是歲冬十月前受僞□餘

黨聚亂

八年大旱饑

九年大旱饑

順治十一年秋有蟲食禾狀類蠶而大每集數萬□乃死臭不忍聞



十三年夏烁大水

十五年烁蟲食禾

十六年夏旱

順治十八年夏五月大水

康熙元年夏五月大旱

二年春三月大水秋六月旱

四年夏五月旱

五年夏四月大水

六年夏六月至七月大旱

康熙七年春三月水夏六月旱

萬載縣志

卷之十二

炎祥

九

八年烁旱黃蟲徧飛長二寸許飛集民居多醮禳之

九年十二月大雪深五六尺月餘方消鳧飛蔽天  
十年春正月夜天見火爍若兩門開狀長三十餘丈濶四五尺

康熙十一年夏六月夜天落火珠福壽坊汪家巷忽見珠落三尺圍大落地買轉少刻散息如硫黃氣  
十二年烁蟲食禾

十三年夏五月大水白水龍出山崩地陷高湧數十丈石腦背潭埠一帶地方三十餘里人民田屋

牛穀盡爲漂沒是年二月棚民朱益吾聚黨爲寇  
九月二十一日破城十月二十四日滿漢官兵恢  
復

十四年四月天砲大震

十五年四月十五日棚賊朱君平領黨萬餘陷城  
衙署儒學戟門四門民居市店盡爲焚燒擄殺男  
婦不可勝計恢復後賊弁揭玉卿李以稷等聚黨  
離城十五里外擄刼焚洗比前更甚

十六年春大水六月大旱

十七年春大雨連月民大餓斗米一錢五分饑殍

萬載縣志

卷之十二

灾祥

十

枕藉邑令吳自肅申詳上憲備賑復發銀往市汊  
買米借貸民得救活者衆

十九年秋蟲食禾

康熙二十年秋大旱各鄉白晝虎出傷人路絕往來  
又多疫死邑令常維楨于城隍祠作文命僧道禳  
醮兩災乃息

二十一年六七月間青氣盪日午時分有四五員  
鏡樣青氣與日上下摩盪如是不計日數冬十月  
火災城市鄉村火忽焚屋不知起發邑令命道作  
醮於城隍祠禳息

康熙二十二年春三月大水獲富嶺東黃茅石腦背  
各鄉孽龍四出淹沒男婦田屋漂流崩壞七月大  
旱早禾盡枯遲稻半焦

康熙二十五年務前下街火延燒城隍廟秋大雨雹  
禾穀入泥

康熙三十年青虫食禾先包後剪穀未斂盡散入泥  
康熙三十四年同

康熙五十年有江猪沿江而上至潭埠此萬邑從未  
有者五月爲其土人所殺重百餘觔次年五月潭  
埠火市店民居蕩然無存

萬載縣志

卷之十二

灾祥

十一

康熙五十一年七月十四日務前下街失火延燒店  
房住屋直至雙虹橋燄飛渡江文昌閣暨東廡俱  
爲灰燼

康熙五十六年冬十月邑令龐署內牡丹復花

康熙五十七年三月大水南浦橋衝塌

康熙六十年大旱具呈縣府司院委萍鄉縣知縣周  
勘災憚於從事率以不成災具覆

雍正元年臺灣逸賊温上貴哨聚閩粵流匪集於烟  
竹三月內扎住岐源居民紛紛出避知縣施昭庭  
請兵防禦又以義勇陳輝玉嚴林森羅老滿等帶

領鄉勇百餘人拒賊三月十七日偵得溫賊悉黨劫城是日男婦驚竄邑爲之空郡守李適至城中民稍安集十九日官兵到縣未及進勦陳輝玉等與賊格鬪鄉兵吳細奇陣亡教賊死相枕藉遂追至新昌黃岡口會新昌鄉兵亦至犄犄夾擊殺賊無數溫上貴走新昌十都爲其地盧勺所擒萬新二縣各以軍功上陳陳輝玉嚴林森授爲把總羅老滿盧勺復加一等以千總卽用被難地方雖蒙卹賞而萬自甲寅之後又遭一劫矣

雍正八年六月本邑生員辛汝梅年九十以嘉禾報

萬載縣志

卷之十二

灾祥

十二

縣一本三四穗藉田民田內所在多有知縣許松

佶具詳

制撫

二臺會有

諭旨停止進獻遂止

附錄

申詳地方情形文

康熙十五年

吳白肅

爲瀝陳殘邑情形懇賜軫恤以存子遺事竊惟萬載古稱上疲非自今而已歿自康熙十三季春人禍將興天災先作上鄉白水一帶忽被異常水災衝山破峽蛟龍竝出各村廬舍浪滾萍漂男婦溺死滿川蔽野田畝化爲川澤當卽勘寔具申不意天災未寧寇亂繼起宜春棚寇朱益吾等因吳逆竊踞湖南承間跳梁聚衆盈萬領受僞職戕害居民雖渠魁授首曾不移晷而餘孽朱君平等繼起颺焰日甚九月初旬

萬載縣志

卷之十二

附錄

十三

自鍊山界株樹潭擄掠而來殺人盈野哭聲載路萬載兵少城卑卑職只得單騎詣毘哭師請援而賊卽於九月二十一日破城以生民作菹粉變廬舍爲墟墟萬之爲萬不堪問矣殆滿兵臨袁於十月二十四日下縣恢復此時逆賊順民兩難分別癰疽雖潰元氣大傷除斬馘逆賊之外失去居民男婦四千餘口人煙寂寞十室九空隨經申叩 上憲求賜賑恤百方招集殆至十四年夏稍有生色而多大師駐袁分兵防萬軍糈糗糧萬難推辭量徵十四年分錢糧兵米雖爲數不滿十分之一而百姓已骨盡髓竭矣查

萬載疆界南至宜春十五里路當衝要百姓逃徙已盡東抵上高二十里素稱不毛之地近遭蹂躪俱成石田西此抵瀏陽界疆域稍廣皆係三區四區地方賊人盤踞東北抵新昌及銅鼓府係六區地方前猶爲內附之地凡一切正供及一切軍需無不取給於此自今十五年滿漢兵赴長沙又值叅將陳素綸身染重病逆賊偵知的寔卽糾賊數千自瀏陽界眞抵萬載乘虛而入把總陳啟陳忠等同卑職族叔吳慶孕帶領鄉壯在高城禦堵不科誤中詭計我軍失散於四月十五日城遂再陷進城以來逢人優殺見婦萬載縣志

卷之十二

附錄

十四

優擄卑職及防將各官公署

聖廟兩廡戟門盡行

焚燬民居宅舍十不存一迨官兵恢復城門之外屍首蔽野無人收顧臭聞數十里繫纍男婦不可勝計屠城之慘從未有如此之甚者也於是新昌寨賊鄔維新串同□玉卿等帶賊二千餘人乘萬城破敗自山寨移踞六區又誘脅附近愚民爲之醜類爲之鄉道到一村則一村殘洗到一鄉則一鄉破敗向所云可供軍需之六區盡入賊之囊橐矣而又分布遠近彌月不去迨至官兵進勦又取六區之大姓合圍而盡焚之於是岐源藏溪觀上等處蕩無炊烟寸

畱而寇跡不息天災復至五月大雨彌旬異常水勢四門衝拆頽城一十六丈有餘平地水深三尺男婦涉水而死者又不計其數卑職備文申詳兩有亟求協濟賑恤之請迄今冬月瘡痍未起逃亡未復而賊衆益肆猖獗離城十里內外如寨下田北四都等處又被逆賊焚劫擄去男婦百餘口自是之後日無虛報卑職屢請救援究無長策而民遂逃亡盡矣切思萬邑褊小鄉止六區今一區二區牧馬蹂踐畊種無幾三區四區賊盜盤踞五區六區偶見一二畊種寔爲官吏所仰給者今盡變爲盜藪可憐咫尺之地優萬載縣志

卷之十二

附錄

十五

同異域廢城一座荒山一掌賊寇環郭而處且災傷頻至莫可支吾催科則無人可呼團練則無民可聚而在城官兵持重城守不及設備四鄉以故地日狹而賊日衆民愈逃而城愈危坐若針氈勢同積薪官此土者亦云極矣幸遇 憲臺軫念殘疆加意體恤但地方情形猶恐未悉其詳敢據寔報明懇賜方畧起死回生枯骨復肉則窮員窮黎均沐洪恩於無旣矣

申詳慘苦情形文

常維楨

爲瀝陳慘苦之情乞賜矜憐之政以保殘疆以全子遺事萬載地處山僻中分六區丁田於是乎在賦役於是乎出季徵一年尚有遲欠何況大亂之後丁缺田荒者乎自康熙十三年九月二十一日棚寇猖獗城池失守十月廿四日恢復焚燒月餘殺擄過半及至十五年四月十五日城再陷旋雖恢復屠洗一空官民房舍盡行一炬此外郊圻賊之盤踞刦戮者三載前後擄殺寔去男婦共七千七百餘口田地拋荒至十分之九俱經前任吳知縣歷詳請豁在案卑職萬載縣志

卷之十二

附錄

十六

九月十七日到任目擊地方傷殘所存空城所堆瓦礫衰草連天荆榛奪日真有難繪難陳卽今獨處空城寄身破壁不敢自安以緩國課仍徧踏四郊確勘被荒寔數多方軫恤加意招徠并示給牛授種業已一月于茲矣節奉嚴檄督催一應各年未完民屯錢糧銀米卑職凜遵憲牌徵比不遺餘力舉凡藉口荒殘槩置弗顧業已戕民命而傷國本茲據合邑紳士民人龍星宋繼種等泣陳被難情由懇請勘豁前來其有哀號道左扳轅環訴諸荒狀每日不下數十餘張見在存案未能盡錄卑職見之誠有坐



視無策而相對攢眉者也查錢糧必由田地追徵必須有民今萬載兩被殺擄如五六等區絕無人跡三西等區久作賊窠此外一二區中或家有數口半遭屠戮或族本繁盛今則凋殘父子仳離夫妻拆散如前所陳擄殺名數一一皆真事事堪淚凶慘至此可爲極矣田地之拋荒不問而知也若夫見在之百姓率皆鋒鏑餘生饑寒殘喘正賦而外長沙損擡諸遠役無不責之卽其忍死急公早已髓枯血竭拊循不暇忍督逋欠至於 部文之設法催徵益又甚難他郡或遭寇亂未至失守萬載則兩次淪陷他郡一經萬載縣志

卷之十二

附錄

十七

起色者乎

紳矜里民公狀

辛承頊

爲瀝陳慘苦之情乞賜矜憐之政以保封疆以全子遺事竊聞民當顛連困苦之後水火塗炭之餘必有仁人君子起而拯救之夫歿後瑣尾之民乃得有濟則如今日是矣痛我萬邑僻處山陬接連楚壤土瘠民貧夙稱上疲自癸未天井寇亂破城一十七次以來田荒猶未盡墾民氣猶未盡甦兼又水旱頻仍蝗蝗肆害每年申詳十徵六七是萬邑之荒殘匪自今日始矣不虞天不悔禍災害疊至謹以事之最苦者

萬載縣志

卷之十二

附錄

十八

爲 天臺瀝血陳之甲寅五月孽蛟四出平地水湧丈餘白水潭埠一帶地方房屋盡皆漂沒人民盡皆渰溺山崩地陷平原沙壅此萬民之大難一也又吳逆犯順長沙失守棚民嘯聚洗村掠縣甲寅九月破城殺民擄婦牽牛洗財據城肆虐一月有餘遭禍最先受苦最毒此萬民之大難二也既而滿漢大兵前來恢復失忒男婦不下萬餘有一鄉而僅存兩三家者有一村而僅存三四人者甚至人煙輳集之地化爲碎瓦頽垣之場者此萬民之大難三也乙卯春夏城中城外巷無居人幸賴前任縣主加意招徠逃亡

之衆漸漸歸附無如驚鴻甫定夫役旋徵或饑寒就道或老穉應役以致累歿道路不獲還鄉者十有六七此萬民之大難四也丙辰四月鎮萬陳叅府身染重病棚賊偵探得實捲土重來復陷萬城見人卽殺逢屋優燒屠城之慘亘古未聞此萬民之大難五也自是以後雖旋請兵恢寢無柰賊衆盤踞山谷東攻西竄西擊東逃兵至則潛兵退復出離城十五里外皆爲賊有人人皆遭磨滅村村盡被洗擄此萬民之大難六也甚且甫離賊害又受捕風捉影之磨幸保殘軀反有吹毛求疵之事士民悉遭魚肉善類盡被萬載縣志

卷之十二

附錄

十九

圖請命奈因各縣當事援例申詳其殘破者曰殘破  
卽未甚殘破者亦曰殘破遂至上憲一體批荅此  
凋瘵之情所以難通而子遺之命所以難保也目今  
離散之衆訪子等妻窮年奔走於道路破產之夫求  
衣覓食終朝馳逐於饑寒往昔田疇盡成蒿萊自具  
手足誰能畊種卽欲還尋舊業無牛無種縱欲復歸  
故土尤嗟無鄰無親爲此公同泣塑懇憐于萬難拯  
救之中設法拯救萬難撫綏之會極力撫綏庶顛木  
之口得以漸長骨立之民得以漸甦矣